

Inuussutissarsiutinut ilinniartitaanernut pilersaarutit pillugit Namminersornerullutik Oqartussat nalunaarutaat

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, 31. maj 1999-imeersumi kingullermik Inatsisartut peqqussutaat nr. 1, 16. maj 2008-meersukkut allanngortinneqartumi § 6, § 7, imm. 1 aamma § 22 naapertorlugit aalajangersarneqarpoq:

Siunertaq

§ 1. Malittarisassat tamanut atuuttussat inuussutissarsiutinut ilinniartitaanernut ataasiakkaanut tamanut ilinniartitaanernut pilersaarutit ilinniartit suliarinninnerannut atatillugu qitiusumik inuussutissarsiutinullu ilinniartit ilinniartitaanernut pilersaarutit pillugit malitassaarutit nalunaarutikkut matumuuna aalajangersarneqarput, ilinniartitaaneq malittarisassat allat aqutigalugit aalajangersaaffigineqarsimangippata.

Imm. 2. Ilinniartitaanermut pilersaarummi allaaserineqassaaq qanoq ililluni ilinniartitaaneq ilinniartup inuussutissarsiutigalugu sulianut, ilinniagaqarniarluni piareersarnermut inuttullu piginnaasaanut ineriartortitsinermit iluaqutigineqassanersoq, suliffeqarnermi pisariaqartitat, suliamut tunngatillugu nikerarsinnaaneq ilinniartullu atuagarsornikkut sulinikkullu ilinniarnissamut tunuliaqutaqarnissamik pisariaqartitai sianiginiarlugit. Peqatigitillugu ilinniartitaanermut pilersaarummi allaaserineqassaaq, ilinniartup nammineerluni isummersinnaanermut, suleqatiginninnermut attaveqatigiinnermullu piginnaanerata ineriartortinneranut ilinniartup qanoq iluaqutigineqassanersoq. Aammalu ilinniartitaanermut pilersaarummi allaaserineqassaaq, ilinniartup qanoq tunniussaqaassanersoq suliaassanut inooqatigiinnermi ajornartorsiutinik aqqiissuteqartarnermut, namminersorluni aallarniiniarnerup ineriartortinneranut, sungiussiassuseq pitsaassutsimullu misikkarissuseq aamma ilinniartup tunngaviusumik pikkorissuseqarnera, pingaartumik matematikkimi, atuarnermi, oqaluttariarsornermi allattarissatigullu attaveqatigiinnermi kiisalu teknologiikkut paasisutissiisarnermut piginnaasai ilinniarnikkut qanoq siuarsarneqassanersut.

Imm. 3. Ilinniartup ineriartorneranut nutaanillu pilersitsisinnaanermut ineriartorneranut ilinniartup qanoq iluaqutigineqassanersoq, ilinniartup nioqqutissiornerup sullissinerullu ineriartortinnerannut peqataanissaa namminerlu suliffeqarfiuteqalernissaminut tunngavissaqalernissaminik pissarsinissaa anguniarlugu, ilinniartitaanermut pilersaarummi allaaserineqassaaq.

Imm. 4. Ilinniartitaanermut pilersaarummi allaaserineqassaaq, ilinniartut nunani tamalaani piginnaasassaarutit ilinniarnikkut qanoq siuarsarneqassanersut, suliffeqarneq ilinniaqqinnissarlugu anguniarlugit, soorluttaaq suliffikkuminartumut ilinniartup paasinninnissaanut aamma ilinniartup avatangiisiminik

mianerinninnissaanut ineriartortinneranut ilinniarneq qanoq iluaqutigineqassanersoq ilinniartitaanermut pilersaarummi allaaserineqassasoq.

Imarisai

§ 2. Ilinniartitaanermut pilersaarut makkuninnga allaaserinninnermik imaqaasaaq:

- 1) Ilinniartitaanikkut siunertat.
- 2) Suliassa qarfiit ilinniartitaanerup sammivigisai qanorlu maannamut ilinniarsimanissamik pisariaqartitsineq naammassineqarsimanersoq, taamatuttaaq maannamut ilinniagaqarfissaq amigaatigineqarnersoq imaluunniit ilinniarneqarsinnaasut pioreersut ataasiakkaat arlallillunniit immikkulluunniit ittut, taamaassappallu sorliit ilinniagassatut siunnersuutigineqartup taarsissanerai.
- 3) Akuerineqarnissamut piumasaqaatit, ilinniartitaanermut atuuttut.
- 4) Atuarfimmi ilinniartitaanermut suliffimmilu sungiusarluni ilinniartitaanermut erseqqinnerusumik ilusiliussaq, matumani ilanngullugit taakkua ilinniarnerrullu tamakkerluni sivisussusii.
- 5) Ilinniartitsinerup ingerlannerani perorsaanermut tunngasut, ilinniartitsinerup imarisaanut siunertaanullu tunngasut aamma periaasissanik isumaliutersuutit, matumani ilanngullugit ilinniartitseriaasissanik toqqaaneq.
- 6) Ilinniartitsinermi suliassat imarisaat, matumani ilanngullugit ilinniagassat suliniutillu ilaallu ilanngullugit, qitiusumik ilinniarfiup ilinniartitsinerup agguataarsimasai.
- 7) Ilinniarfiup naliliisarnermut pilersaarutaa, matumani ilanngullugu qanoq aamma qaqugu ingerlaavartumik inaarutaasumillu naliliineq pissanersoq, kiisalu ilinniagassanik ilinniagassanut allanut ilanngullugit naliliivigineqartunik immikkut naliliisarneq.
- 8) Ilinniarfiup ilassutitut annertusisitsinissamik neqeroorutai kiisalu ilinniarfiup tassunga atatillugu ilitersuutaanut tunaartarisassat.
- 9) Ilinniartitsinermi anguniagassat ilagisinnaasaat.
- 10) Ilinniartitsisut piginnaasassa, nukissaat atortussaallu, tassunga immikkut piumasaqaataappata.
- 11) Ilinniarnertitaanermi sulianut atatillugu ilinniartup sulinerata sivisussusia, matumani ilanngullugit pilersaarutit ilaalu ilanngullugit kiisalu ilinniartup angerlarsimaffimmini suliassai.
- 12) Suliffeqarfimmi ilinniartitsissutaasinnaasut.
- 13) Ilinniartitaanernut allanut tamakkiisumik ilaannakuusumilluunniit atuaqataasinnaaneq.
- 14) Ilinniarnermut atatillugu suliffeqarfimmi sulinerup imarisassai kiisalu ilinniartut ilinniarnerninnut atatillugu suliffeqarfimmi sulisut sulinerannik naliliineq.
- 15) Suliffimmi ilinniartuuffigisami ilinniarnerrup allaaserinera, matumani ilanngullugit sungiusaatigalugu sulinerup pilersaarutit imarisai.
- 16) Atuarfiup, lærlingip imaluunniit ilinniartup suliffeqarfiullu akornanni attaveqatigiinnermi najoqqutassat.

Imm. 2. Aammattaaq ilinniartitaanermut pilersaarummiissapput innersuussutigineqarlutilluunniit:

- 1) Misilitsinnerit, qitiusumik imaluunniit inuussutissarsiutinut ilinniarfiup aqqissuutissallugit ingerlatissallugillu akisussaaffigisaasa, allaaserineqarneri taamatuttaaq inaarutaasumik misilitsinnerit, soraarummeernertut ingerlanneqartut.
- 2) Soraarummeersitsisarnermut ilinniarfiup malittarisassai.
- 3) Ilinniartitaanermut tunngatillugu ilinniartup piginnaasaanik periarfissaanillu ilinniarfiup naliliisarnera, taamatuttaaq ilinniakkanik, ilinniarnerrup ingerlanerannik suliniutinillu allanillu allaatiginnittarnerup

atorneqarnissaa.

4) Ilinniartuup ilinniarsinnaanermut atatillugu suliffeqarfimmi sulinermut atatillugu ilinniartup piukkunnaateqassusianik naliliisarnerani piumasaqaatissat periaasissallu.

5) Ilinniartuup ilinniartitaanernut ilinniartussanik tiguisarnerani ilinnialersinnaanermulluunniit killiliussat taallugit aamma ilinniarnermut atatillugu suliffeqarfimmi sulilernissamut killiliussat taallugit piumasaqaatissat periaasissallu.

6) Ilinniartumut namminermt ilinniarnissamut pilersaarutip suliarinerata allaatigineqarnera.

7) Ilinniartuup piginnaaneqarnermik naliliinerata aaqqissuunneqarnera.

8) Ilinniartuup suliffeqarfinnik sulisitsisunillu suleqateqarnera.

9) Ilinniartuup ilinniarnermut atatillugu suliffimmik ilinniartumillu misilitsittarnernut uppersaasiisarnerit pillugit suleqateqarnera.

10) Ilinniartuup tunngaviumik ingerlasimanermik naammassinnissimanermut uppersaasiisarneranut imaluunniit sulinik ilinniartitsinermt, ilinniartummit allagartaliisarnermt kiisalu ilinniarsimanermut allagartaliisarnermt imaluunniit ilinniagaqarsimasutut allagartaliisarnermt tunaartarisassai.

11) Ilinniartuup suliffeqarfinnik ilinniartumillu allanik allanillu suleqateqarluni ilinniartitaanerup ilaanik naammassinnittarneq pillugu ilinniartitaanermik aaqqissuussisarnerata kiisalu uppersaasiisarnerup allagartartaartitsisarnerullu allaaserineqarnerat.

12) Piginnaasassanik anguniakkat, ilinniartup ilinniartitaanerup naammassineqarnerani naammassisimasassai.

§ 3. Ilinniartitaanermut pilersaarutip imarissavaattaaq ilinniartut ilinniartitaanermi immikkut soqutigineqarnerugunartutut isumaqarfigineqartut allaaserineqarnerat aamma ukiumut ilinniartitaanermut isertartussanik naliliineq.

§ 4. Qitiusumik imaluunniit inuussutissarsiutinut ilinniartuup ilinniartunut ilinniartitaanermut pilersaarutip akuersissutigineqarnerani ingerlareersunut ikaarsaariarnermi aaqqissuussinerujunnartut ilinniartitaanermut pilersaarummi aalajangersarsinnaavai.

Akuersissuteqartarneq sivisussusialu

§ 5. Ilinniartitaanermut pilersaarut inerlugu suliarereerlugu saqqummiunneqassaaq Ilinniartitaanermut Naalakkersuisoqarfimmillu tiguneqareersimassalluni Naalakkersuisoqarfik ilinniartitaanermut pilersaarummik akuersissuteqarnissaaq pillugu akuersissuteqarnerup sivisussusissaa taallugu alajangiilersinnagu.

Imm. 2. Ilinniartitaanermut pilersaarut inerlugu suliarereerlugu saqqummiunneqalersinnagu ilinniartuup Naalakkersuisoqarfik ilinniartitaanermut pilersaarutissamut missingiummut saqqummiunneqartumut oqaaseqaateqaqqullugu qinnuigisinnaavaa.

Imm. 3. Ilinniartitaanermut pilersaarut akuerisaq Naalakkersuisoqarfiup nutaamik akuersissuteqarneratigut taamaallaat iluarsanneqarsinnaavoq. Taamaattorli ilinniartitaanermut pilersaarut siusinnerpaamik ukioq ataaseq atuutereerpat iluarsanneqarsinnaavoq, oqartussaasut allat ilinniakkanik naammassinnissimasut piginnaasassaannut piumasaqaateqanngippata.

Tamanut saqqummiussineq

§ 6. Ilinniartut aamma ilinniarnermut atatillugu suliffeqarfiit ilinniartitaanermut pilersaarummik

ilinniarfiup nittartagaani tamanut saqqummiunneqartumik tunineqassapput.

Nakkutilliineq

§ 7. Ilinniartitaanernut pilersaarutinik Naalakkersuisoqarfiup akuerisaanik ilinniarfiit malinninnerannik Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik nakkutilliissaaq.

Atortuulersitsineq

§ 8. Nalunaarut manna 1. april 2009 atortuulersinneqarpoq.

Imm. 2. Ilinniartitaanernut ulloq 1. april 2009 sioqqullugu neqeroorutigineqartunut aamma ulloq 1. april 2009-p kingornatigut sulii neqeroorutigineqartunut ilinniartitaanernut pilersaarutit Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmit ulloq 1. januar 2010-mi kingusinnerpaamik tiguneqareersimassapput, ilinniarneq malittarisassanit allanit aaqqiiffigineqarsimanngippat.

Namminersorluluk Oqartussat, ulloq 17. april 2009

Tommy Marø

/

Lise Lennert Olsen

Namminersorluluk Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorluluk Oqartussat inatsisinut toqqorsiviat

Naalakkersuisut

